



ՄԱՅՐ ԱԹՈՌՈՒՄ

Հունիսի 15-ին, հինգշաբթի, «Տօն Սրբոց Թարգմանչացն մերոց Սահակայ և Մեսրոպայ»: Ազգային եկեղեցական մեծ տոնի առթիվ չորեքշաբթի, երեկոյան ժամը 7-ին Մայր Տաճարում կատարվեց նախատոնակ:

Հինգշաբթի առավոտյան, ժամը 11-ին միաբանությունը ուխտի գնաց Օջական, ուր կատարվեց օրվա հանդիսավոր Սուրբ պատարագը: Պատարագեց և քարոզեց ուխտավորաբար Մայր Աթոռում գտնվող Ռումինիայի և Բուլղարիայի Հայոց թեմի առաջնորդ գեր. Ս. Տիրայր եպս. Մարտիկյանը: Հավարտ Սուրբ պատարագի, կատարվեց հոգեհանգստյան պաշտոն, Վահան Ամատունի իշխանի շիրմաքարի վրա:

Հունիսի 19-ին, Կիրակի, «Գիտ տվող Սրբուհույ Աստուածածնի»: Մայր տաճարում պատարագեց և քարոզեց հոգեշնորհ Ս. Նարեկ վրդ. Ծաբարյանը, «Ով իցե որ մեղադիր լինիցի ընտրելոց. Աստուած է որ արդարացուցանե» (Հոռմ. Ը. 33), բնաբանով:

Սուրբ պատարագին ներկա էր Վեհափառ Հայրապետը:

Հունիսի 25-ին, Կիրակի:

Մայր տաճարում պատարագեց և քարոզեց Հոգ. Ս. Գևորգ վրդ. Մերայտարյանը, «Առաքելաբ սուրբ և ամբիօք և ընտրեալք յորովայնե» շարականի բնաբանով:

Հունիսի 27-ին, երեքշաբթի:

Երեկոյան ժամը 6-ին Մայր Աթոռ Ս. Էջմիածին է ժամանում Անգլիո Հայոց հայրապետական պատվիրակ Գեր. Ս. Պասկ Արթ.

Թումայանը: Հանուն Վեհափառ Հայրապետին Երևան օդանավակայանում Սրբազանին դիմավորում են Լուսարարապետ Ս. Հայկազուն Արքեպիսկոպոս և Ս. Ներսես Ծ. Վրդ. Պողոսյանը:

Մայր տաճարում իր ուխտն ու աղոթքը կատարելուց հետո Ս. Պասկ Արքեպիսկոպոսը ընդունվեց Վեհափառ Հայրապետի կողմից Վեհարանում: Սրբազանը մի քանի օր Մայր Աթոռում անցկացնելուց հետո, հրաժեշտ տվեց Վեհափառ Հայրապետին և հունիսի 30-ին վերադարձավ իր պաշտոնատեղին:

Հուլիսի 2-ին, Կիրակի: «Վարդավառ»:

«Պայծառակերպություն Տեառն մերոյ Յիսուսի Քրիստոսի»: Մայր տաճարում պատարագեց և քարոզեց Գեր. Ս. Հուսիկ եպս. Սանթրոքյանը, «Եւ գնացեն թագաւորք ի լոյս քո եւ հեթանոսք ի ծագել լուսոյ քո» բնաբանով:

Ս. պատարագին ներկա էր Վեհափառ Հայրապետը:

Հուլիսի 8-ին, Երկուշաբթի: Մեռելոց:

Մայր տաճարում պատարագեց արժանապատիվ Ս. Նշան Քհն. Բեյլերյանը: Հավարտ Ս. Պատարագի կատարվեց հոգեհանգիստ «Վասն համօրէն ննջեցելոց»:

Հուլիսի 9-ին, Կիրակի: Մայր տաճարում պատարագեց արժանապատիվ Ս. Հակոբ բնկ. Հակոբյանը:

Հուլիսի 16-ին, Կիրակի: Մայր տաճարում պատարագեց արժանապատիվ Ս. Մկրտիչ Քնն. Մկրտչյանը:

Հուլիսի 23-ին, Կիրակի: Մայր տաճարում պատարագեց արժանապատիվ Ս. Հովհաննես Քանանա Մարությանը:

Հուլիսի 27-ին, Ծաբաթ, Մայր Աթոռ վերադարձավ Գեր. Ս. Հայկազուն Արք. Աբրահամյանը, որը ընկերակցել էր Վեհափառ

Հայրապետին մինչև Ժընև, Եկեղեցիների Համաշխարհային Խորհրդի Կենտրոնի տրրվելիք Հայրապետական այցելության առիթով:

Հուլիսի 30-ին, Կիրակի: Մայր տաճարում պատարագեց Հոգ. Ս. Մուշեղ Վրդ. Պետիկյանը:

Օգոստոսի 6-ին, Կիրակի: Մայր Աթոռում պատարագեց Հոգ. Ս. Գևորգ վրդ. Սերադարյանը:

